

AHLI PANEL PELABURAN



TAN SRI SAMSUDIN OSMAN

Pengerusi Lembaga KWSP

Tan Sri Samsudin Osman telah berkhidmat sebagai Pengerusi Lembaga KWSP sejak 1 Februari 2007.

Tan Sri Samsudin Osman pernah berkhidmat sebagai Presiden Perbadanan Putrajaya, Ketua Setiausaha Negara, Ketua Pengarah Jabatan Perkhidmatan Awam, Ketua Setiausaha Kementerian Dalam Negeri, Ketua Setiausaha Kementerian Perdagangan Dalam Negeri dan Hal Ehwal Pengguna, Setiausaha Persekutuan Negeri Sabah, dan Timbalan Ketua Setiausaha Kementerian Pengangkutan.

Selain menjadi Pengerusi Lembaga KWSP, beliau juga berkhidmat sebagai Pengerusi Kwasa Land Sdn Bhd dan Pengarah di Sime Darby Berhad. Beliau juga merupakan Pro Canselor Universiti Malaysia Terengganu, Canselor Kolej Universiti Bestari, dan Pengerusi Lembaga Pemegang Amanah Mahathir Science Award Foundation.

Beliau memperoleh Sarjana Pentadbiran Awam dari Pennsylvania State University, Amerika Syarikat.

TAN SRI AHMAD BADRI MOHD ZAHIR

Ketua Setiausaha Perbendaharaan Kementerian Kewangan

Tan Sri Ahmad Badri Mohd Zahir telah dilantik sebagai Ahli Panel Pelaburan pada 1 Mei 2014.

Tan Sri Ahmad Badri Mohd Zahir merupakan Ketua Setiausaha Perbendaharaan di Kementerian Kewangan dan berkhidmat selama hampir 31 tahun di Kementerian Kewangan serta pernah memegang beberapa jawatan kanan di kementerian tersebut termasuk Timbalan Ketua Setiausaha Perbendaharaan (Pengurusan), Pengarah Belanjawan Negara, dan Setiausaha Bahagian Pelaburan Strategik. Beliau pernah berkhidmat sebagai Penasihat Pengarah di Asian Development Bank, Manila, Filipina.

Beliau berpengalaman luas dalam bidang pelaburan strategik, pengurusan pinjaman, pasaran kewangan dan aktuari. Pada tahun 2019, beliau adalah merupakan Pengerusi Tenaga Nasional Berhad (TNB), Sabah Electricity Sdn Bhd (SESB) dan juga merupakan Pro-Canselor Universiti Tenaga Nasional (UNITEN).

Beliau memperoleh Sarjana Pentadbiran Perniagaan daripada Universiti of Hull, United Kingdom, Ijazah Sarjana Muda dengan Kepujian dan Diploma dalam Pengurusan Tanah dan Harta daripada Universiti Teknologi MARA dan Diploma Pentadbiran Awam dari Institut Pentadbiran Awam Negara (INTAN).



ADNAN ZAYLANI MOHAMAD ZAHID

Penolong Gabenor Bank Negara Malaysia

Adnan Zaylani telah dilantik sebagai ahli Panel Pelaburan pada 4 November 2018.

Adnan Zaylani memegang jawatan sebagai Penolong Gabenor di Bank Negara Malaysia yang bertanggungjawab untuk pembangunan sektor kewangan dan insurans, pembangunan kewangan, kewangan Islam dan mengawasi jabatan perundangan. Beliau ialah Ahli Jawatankuasa Pengurusan Bank, Jawatankuasa Kestabilan Kewangan dan menganggotai pelbagai jawatankuasa dasar dan pembangunan lain di bank. Encik Adnan mewakili bank dalam Lembaga Pengarah Kumpulan Wang Persaraan (KWAP) dan Credit Guarantee Corporation (CGC). Beliau juga merupakan Ahli Jawatankuasa Eksekutif (EXCO) dan Jawatankuasa Audit di INCEIF, Anggota Lembaga Labuan FSA dan merupakan Ahli Jawatankuasa Eksekutif Lembaga Pengarah (BEC) International Islamic Liquidity Management Corporation (IILM).

Encik Adnan merupakan pemegang Ijazah Sarjana dalam Public Policy dari Blavatnik School of Government, University of Oxford, Sarjana Sains dalam Global Market Economics, London School of Economics dan Sarjana Muda Sains dalam Economics, London School of Economics. Beliau merupakan Ahli Financial Market Association of Malaysia.

AHLI PANEL PELABURAN

**DAVID LAU NAI PEK**

Pengarah Bebas Bukan Eksekutif, Axiata Group Berhad

David Lau Nai Pek telah dilantik sebagai ahli Panel Pelaburan pada 1 Jun 2009.

David Lau mempunyai pengalaman profesional melebihi 35 tahun dalam bidang kewangan termasuk menerajui pelbagai organisasi kewangan di Australia, Brunei, China, Malaysia, New Zealand, Belanda, dan United Kingdom. Pada Ogos 2011, beliau telah bersara daripada Shell Malaysia setelah berkhidmat dengan Kumpulan Shell selama 30 tahun dan menyandang pelbagai jawatan. Antara tugas utama beliau termasuklah berkhidmat sebagai Pengarah Kewangan Shell Malaysia, Pengarah Kewangan Shell China, Pengawal Global Bahagian Eksplorasi dan Pengeluaran di Royal Dutch Shell serta Timbalan Presiden Kewangan Shell International Exploration and Production B.V. Belanda.

Beliau kini merupakan Pengarah Bukan Eksekutif serta Pengerusi Jawatankuasa Audit Lembaga Axiata Group Berhad (sebuah syarikat tersenarai awam) dan dua anak syarikatnya yang tidak tersenarai. Beliau juga merupakan Ahli Lembaga Pengarah KKB Engineering Berhad.

Beliau berkelulusan Sarjana Muda Perdagangan dari University of Canterbury, New Zealand dan ahli Institut Akauntan Malaysia dan juga ahli Persatuan Akauntan Australia dan New Zealand.

ROSSANA ANNIZAH AHMAD RASHID

Pengarah Bebas Bukan Eksekutif, IHH Healthcare Berhad

Rossana Annizah Ahmad Rashid telah dilantik pada 1 Jun 2015.

Rossana Annizah merupakan Pengarah Bebas Bukan Eksekutif IHH Healthcare Berhad (IHH). Selain itu, beliau juga merupakan Ahli Lembaga dan Jawatankuasa Lembaga di beberapa buah anak syarikat IHH.

Rossana telah dilantik sebagai Pengerusi Peringkat Negara bagi The Jardine Matheson Group of Companies di Malaysia dan beliau seterusnya menyertai Lembaga Pengarah Cycle & Carriage Bintang Berhad, iaitu sebuah syarikat di bawah The Jardine Matheson Group, sebagai Naib Pengerusi dan Pengarah Bebas Bukan Eksekutif. Selain berkhidmat sebagai Pengerusi Bank Simpanan Nasional, beliau juga merupakan Ahli Lembaga Pengarah Celcom Axiata Berhad serta edotco Group Sdn Bhd, yang merupakan anak syarikat Axiata Group Berhad.

Sebelum ini, Rossana memegang beberapa jawatan kepimpinan dalam sektor telekomunikasi dan perbankan. Beliau pernah memegang pelbagai jawatan pengurusan kanan dengan TIME dotCom Berhad, Maxis Berhad, dan RHB Bank Berhad setelah memulakan kerjaya perbankan beliau di Citibank Malaysia. Rossana mempunyai pengalaman luas selama 30 tahun dalam strategi perniagaan, mengenal pasti model monetisasi yang mampan, memahami pelanggan dan persaingan serta keperluan untuk mengkaji semula model monetisasi yang memfokuskan kepada pengurusan pendapatan dan pengurusan kos.

Beliau berkelulusan Sarjana Muda Sastera dalam Perbankan dan Kewangan daripada Canberra College of Advanced Education di Australia (kini dikenali sebagai University of Canberra).



AHLI PANEL PELABURAN



DATO' MD AGIL MOHD NATT

Pengerusi Bukan Eksekutif, Affin Bank Berhad

Dato' Md Agil Mohd Natt telah dilantik sebagai Panel Pelaburan pada 1 Jun 2017.

Kerjaya Dato' Md Agil bermula sebagai Pengurus Kewangan Korporat di Bumiputra Merchant Bankers Berhad pada tahun 1977 sebelum mula berkhidmat sebagai Pengurus Besar Kanan di Island & Peninsular Berhad. Beliau juga merupakan Ketua Perwakilan Kleinwort Benson Limited sebelum menyertai Kumpulan Maybank pada tahun 1995 sebagai Pengurus Besar Kanan, Perbankan Korporat, Ketua Pegawai Eksekutif di Aseambankers Berhad (kini dikenali sebagai Maybank Investment Bank Berhad), dan Timbalan Presiden/Pengarah Eksekutif di Maybank.

Sebelum bersara dari dunia korporat pada tahun 2011, jawatan terakhir beliau merupakan Presiden and Ketua Pegawai Eksekutif di Pusat Pendidikan Kewangan Islam Antarabangsa, Universiti Kewangan Islam Dunia.

Beliau kini memegang jawatan Pengerusi bukan eksekutif bebas di Affin Bank Berhad, Manulife Insurance Berhad, dan Manulife Investment Management Berhad.

Beliau memegang Ijazah Kepujian Ekonomi dari Brunel University London, Ijazah Sarjana Kewangan daripada Cass Business School London dan pernah menghadiri Program Pengurusan Advance di Harvard Business School, Amerika Syarikat.

ALIZAKRI ALIAS

Ketua Pegawai Eksekutif KWSP

Alizakri Alias telah dilantik sebagai Ketua Pegawai Eksekutif KWSP pada 20 Ogos 2018.

Alizakri Alias menyertai KWSP pada 1 Januari 2014 sebagai Timbalan Ketua Pegawai Eksekutif Bahagian Strategi dan bertanggungjawab untuk mengawasi dasar nasional berkaitan perlindungan sosial serta perkembangan produk dan perkhidmatan KWSP. Di samping itu, beliau bertanggungjawab dalam aspek strategi dan urusan korporat, modal insan, dan pengembangan bakat.

Alizakri merupakan Ahli Lembaga Pengarah Battersea Power Station Development Company Limited, Sime Darby Plantations Bhd dan Kwasa Utama Sdn Bhd. Beliau juga merupakan Lembaga Pengarah Astro Malaysia Holdings Bhd sejak Februari 2019, dan pernah menyandang jawatan sebagai Pengarah Lembaga Dialog Group Berhad, Naib Pengerusi Suruhanjaya Teknikal Organisasi, Pengurusan & Inovasi Persatuan Keselamatan Sosial Antarabangsa (ISSA), dan Setiausaha Jeneral Asean Social Security Association (ASSA).

Alizakri memiliki Sarjana Pentadbiran Perniagaan (MBA) daripada Cornell University, dan Sarjana Muda Undang-Undang (LLB) daripada King's College, University of London. Beliau berkecualan sebagai peguam bela dan peguam cara di Mahkamah Malaya dan sebagai Peguam (Lincoln's Inn) di Mahkamah England dan Wales.

